



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**D. Haymo-//nis Episcopi Hal-//berstattensis De  
Chri//stianarum rerum memoria li-//bri decem**

**Haimo <Halberstadensis>**

**Coloniae, 1531**

**VD16 H 224**

De eius vita. Cap. III.

**urn:nbn:de:hbz:466:1-29805**

## HAYMO DE CHRISTIA.

pendio inserere, maxime cum nouerimus prædictum  
Eusebium à quibusdam ecclesiasticis viris aliquantum  
lum notatum fuisse, quod nimius fuerit in laude Ori-  
genis. Illud vero de eo breuiter enarramus, quod etiā  
orthodoxi quoq; & religiosi viri diffiteri nō possunt.

### DE ORIGENE.

#### Caput III.

**O**Rigenes Leonidis martyris filius & ipse fere à  
pueritia völūtate martyr & forsitan actu, nisi  
quia à matre surripiente nocte vestes eius, pia  
fraude præpeditus est, magnam à deo & manifestam  
gratiam scientiæ consequitur, potens in Græmatica &  
ceteris communibus literis, & in omni Philosophica  
eruditione apprime institutus. Maxime autem in le-  
ctione & doctrina diuinorum voluminum potentissi-  
mus illius temporis & famosissimus indagator. Hic  
ergo pro magna & incredibili scientiæ prærogativa,  
doctore ecclesiæ apud Alexandriam à Demetrio ipsius  
loci episcopo constituitur, cathedramq; doctoris ob-  
tinet tertius post Pantænum & Clementem, cuius sci-  
licet Clementis, & ipse exitit auditor, ubi dum verbū  
dei palam, tam viros quam foeminas instituēs docet,  
& occasionem omnis turpis maledicti vult infideli-  
bus excludere, quædā minus perfecti sensus exercet  
in proprio corpore, sed seruētis fidei & nimiè castitatis  
opus. Nam cum ante omnia præcepta euangelica &  
voces saluatoris obseruaret & obseruari præcipiteret,  
illud euangelicum attendens, quia sunt eunuchi, qui  
se castrauerunt propter regnum dei, dominicam vo-  
cem re atque opere mox in semetipsum aggreditur

RERVM MEMO. LIB. VI.

adimplere. Tunc igitur maxime dat operam doctrinæ & prædicationi, quando aduersariis nulla derelicta est obrectandis suspicio. Tunc vt Apostolus dicit, Verbum dei opportune prædicat & importune, per diem & per noctem, publice & priuatim, in abstinenzia plurima, in iciuniis indeficiētibus, vigiliis pene iugibus, ita vt si quando parum aliquid somni naturalis necessitas exigeret, hūc ille non super stratum, quod omnino nullo vtebatur, sed super nudisoli deprehenderet superficiem. Fertur autem, quod ex eius auditōrio plurimi de vtroq; sexu martyres effecti sunt. Extant eius ingenii libri multi, inter quos in sacras scripturas commentarios edidit sane doctissimos. Item xxx. libros in partem quandam Isaïe prophetæ commentatur, in Ezechiem quoque viginti & quinque libros, totidēmque in Cantica canticorum. Librum etiam de Martyribus ad Ambrosium scripsit, tanta & tam distracta spiritus virtute, vt eius sententiis tanquam validissimis muris multos ad martyrium stabiliaret. Sunt & alia opuscula pene innumerabilia, quæ omnia in hoc compendio enumerare non est opus. Sed illud præclarum fertur de eo, quod nunquam permisit ea quæ in ecclesiis differebat, à notariis excipi, nisi si qñ iam sexagesimum ætatis agens annum, multo usu & labore, plurimum fidutię in verbo dei acceperat, iam scilicet quando in eo erat vitę grauitas, & maturitas ætatis & multę experientiae autoritas. Inter quoque eruditionum suarum studia, ne illud quidē omisit Origenes, pscrutari & addiscere Hebræę lingue virtutē, vt cognosceret vel ea q; à Iudeis legūtq;lia

D iiiij

## HAYMO DE CHRISTIA.

sint, vel cæterorum interpretum qui præter lxx. inter-  
pretati sunt, quanta esset eruditio[n]is diuersitas, ita ut  
præter istas que in vsu sunt Aquilæ, vel Symmachii, vel  
Theodotio[n]is, inuenierit etiam alias interpretatio[n]es in  
absconditis & secretis latentes, in quibus nec nomina  
quædam interpretum reperit scripta. Dicit autem q[uod]  
aliam reperit in Actiaco littore apud Nicopolim, ali-  
am in Hierico, atq[ue] alias in alijs reperit locis. Sed & ad  
uersum hæreticos confutandos, tam viuavoce, q[uod] li-  
brorum disertis disputationibus elaborat. Nam &  
Berillum Bostræ virbis Arabiæ episcopum, qui dice-  
bat saluatorem nostrum, neq[ue] propriam habere diuinitatis existenti-  
am, sed hoc solum, quod interna deitas in eo habita-  
ret, disputando confutauit, & Celsum quendam Epic-  
cureum Philosophum, qui contrarios libros fidei scri-  
pserat. HAYMO. Vnde plurimum admirari nō  
sufficio, quod vir tam illustris, tam aperte rebellâs &  
obuians hæreticis, deuolutus sit in notissimam hære-  
sim & errorem, scilicet quod Seraphin in Asia spiri-  
tum sanctum exposuerit, & in alio loco de pœnitentia  
diaboli scripserit, & de absolutione reproborum  
post mille annos, & multa alia quæ orthodoxæ fidei  
aduersantur, maxime cum abstinentissime & castissi-  
mæ vitae fuisse referatur, & tam præclaræ doctrinæ,  
tamq[ue] puri & lucidi sermonis. HAYMO: Ego sa-  
ne de eo salua fide patru dixerim, vel quod hæc omni-  
no non scripserit, sed ab hæreticis ob præclarum no-  
men eius obfuscandum maligne conficta sint & con-  
scripta, & nomine suo prætitulata: vel si scripsit, non

RERVM MEMO. LIB. .VI.

statuit ex sententia, sed differuit ex opinione. Nam ut ipse dicit, philosophorum & hæreticorum dogma didicerat, ne ad eos cōuincendos imparior esaret, si ignoraret quæ apud ipsos erāt. Et fortasse cum in aliquibus locis scribendo attingit eorum errores, calumniatus est, hoc à semetipso dixisse. Quod si etiam prædictas hæreses ut placet quibusdam, ex sententia scripsit, valde compatiendum est tam eruditum pectoris viro, qui tantam nobis eruditionis copiam ministravit. Cuius virtus, si qua sunt in scriptis, potest eorum quæ fideliter scripsit luminosus quidā ac cælestis splendor exuperare. De quo & à patribus dictum est, quia ubi bene scripsit, nemo melius. Quod autem erratum est ab Origene & cōtra orthodoxam fidem aliquid descriptum, opinor hoc ei accidisse, q̄ nūc lectionis studio philosophos est amplexus. Attigerat enim & oīno asseditus fuerat secreta Platonis & Pythagoræ, Zenonisq; Stoici & Cerinthi uoluina, ceteroruq; philosophorum. Et fortasse quia nimis est immoratus, & diutius ebibit de calice Babylonis inaurato, quodam modo coactus est de cius fece in sacram scripturam aliquid effundere, ex quo ualde & vigilâter cauēdū est ecclesiasticis uiris, ne nimis philosophicis institutis dent operā, ne forte cū inebriati fuerint, inanibus poculis & tumidis assertiōibus inflati, difficiili retracto pede ad humilitatē Chri reuocētur, & tardius fidei nostræ acquiescant, qñ quidem edocti sunt cōtraria. Ne hoc dicēdo artū lectores dānamus vel artes, nam & ipsæ non inutiliter leguntur, ad profundas q̄stiones enodandas, & tractandas ratiōes. Quippe ipsa est domina

D v

## HAYMO DE CHRISTIA.

artiū, & ei cæteræ vt pedissequæ famulantur. Verum quosdam scholasticos non mediocriter reprehendimus, qui libris gentilium tam familiariter adhærent, & totos se immergunt, vt totum pene in eis vitæ suæ & eruditioñis cursum consumant. Quām honestius erat ecclesiasticæ intendere disciplinæ, q̄ rectius & facilis sacræ scripture libros addiscere? Quibus legendis si darent operam, paucioribus certe temporis spaciis totam in se bibliothecam transfunderent, quām omnes illas friuolas & pene inutiles scientiolas quibus occupantur. Sed ecce dum nimis Origeni intendimus, & eius occasione hunc facimus excusum cōtra legem compendij, pene cæterorum, qui peridem tēpus fuerunt, & verbo & exemplo iuuerūt ecclesiam, oblii sumus. Vnde nunc ad narrationis ordinem reuertamur.

SE VER V S regnat annis xviii.

Caput IIII.

**I**Taq̄ Seuero imperatore xviii. annis functo imprio, & tunc tradito filio eius, Alexander quidē de quo ante memorauimus, confessionis titulo satis clarus, Hierosolymor̄ ecclesiæ subrogatur episcop⁹, cum forte ex gente Cappadocum, vbi erat præclaræ vrbis episcopus, Hierosolymam orandi gratia adueniisset, & omnibus diuino oraculo innotuisset tali voce cælitus emissa, Suscipe episcopū, qui vobis à deo destinatus est. Capitus ergo non finitur ad proprium episcopatum reuerti, sed ibidem residere cogitur, cū tamen adhuc superesset prædictus eiusdem loci episcopus Narcissus, sed fessus senio, pontificali ministe-